

2016ko urriaren 27a, osteguna

XEDAPEN OROKORRAK

HERRI ADMINISTRAZIO ETA JUSTIZIA SAILA

4538

52/2016 EBAZPENA, urriaren 13koa, Erakunde Harremanetarako sailburuordearena, Aldaiako Mendiak Kontserbazio Bereziko Eremuaren Jarraibideak eta Kudeaketa Neurriak argitaratzea xedatzen duena.

1/2014 Legegintzako Dekretuaren bitartez, Euskal Autonomia Erkidegoko Natura Kontserbatzeko Legearen testu bategina onartu zen. Dekretu horretako 22.5 artikuluan ezartzen denez, kontserbazio bereziko eremuak (KBE) eta hegaztientzako babes bereziko eremuak (HBBE) deklaratzeko dekretuek aintzat hartu behar dituzte Eusko Jaurlaritzak halako eremuak kontserbatzeko onartutako arauak. Eusko Jaurlaritzak, halaber, aginduko du eranskin gisa argitaratzeko eremuok kudeatzeko jarraibideak, lurralde historikoetako foru-organoek onartutakoak.

Ildo horretatik, Aldaiako Mendiak kontserbazio bereziko eremu izendatu zuen Eusko Jaurlaritzak, azaroaren 3koa 205/2015 Dekretuaren bitartez. Dekretu horretako 3.2 artikuluan eta azken xedapenetatik bigarrenean xedatzen denez, Jaurlaritzaren Idazkaritzako eta Legebiltzarrarekiko Harremanetarako zuzendariaren eskumena da argitara ematea, dekretuaren eranskin gisa, Arabako Foru Aldundiak onartutako kudeaketa-jarraibideak eta -neurriak.

Horrenbestez, aintzat hartuta Arabako Foru Aldundiak Diputatuen Kontseiluetan maiatzaren 17ko Erabakien bidez onartu zituela Aldaiako Mendiak Kontserbazio Bereziko Eremuaren Jarraibideak eta Kudeaketa Neurriak biltzen dituen dokumentua eranstea, eta argitara ematea Eusko Jaurlaritzaren azaroaren 3koa 205/2015 Dekretuaren eranskin gisa,

EBAZTEN DUT:

Artikulu bakarra.— Euskal Herriko Agintaritzaren Aldizkarian argitaratzea, azaroaren 3koa 205/2015 Dekretuaren III. eranskin gisa, 2016ko maiatzaren 17an Arabako Foru Aldundien Diputatuen Kontseiluetan onartutako Aldaiako Mendiak Kontserbazio Bereziko Eremuaren Jarraibideak eta Kudeaketa Neurriak.

Vitoria-Gasteiz, 2016ko urriaren 13a.

Erakunde Harremanetarako sailburuordea,
PEDRO LUIS BAZACO ATUCHA.

ERANSKINA, ERAKUNDE HARREMANETARAKO SAILBURUORDEAREN URRIAREN 13KO 52/2016
EBAZPENARENA.

III. ERANSKINA, AZAROAREN 3KOA 205/2015 DEKRETUARENA

**ALDAIAKO MENDIAK
KONTSERBAZIO BEREZIKO EREMUA
ES2110016 KBE**

**III. eranskina
Kudeaketa Gidalerroak eta Neurriak**



Ingurumen eta Hirigintza Saila
Arabako Foru Aldundia
2016ko martxo



AURKIBIDEA

1.- SARRERA

2.- FUNTSEZKOAK DIREN EDO KUDEATU BEHAR DIREN ELEMENTUEN KONTSERBAZIO GIDALERRO ETA NEURRIAK

2.1. BASO MEDITERRANEO ESKLEROFIKOAKK ETA MARTZESZENTEAK

2.2. LARREAK ETA SASITZAK

2.3. FAUNA SAPROXILIKOA

3.- KUDEAKETAN LAGUNTZEKO TRESNAK

3.1. BIODIBERTSITATEARI BURUZKO EZAGUTZAK ETA INFORMAZIOA

3.2. KOMUNIKAZIOA, HEZIKETA, PARTAIDETZA ETA HERRITARREN KONTZIENTZIAZIOA

3.3. GOBERNANTZA

3.4. ZEHARKAKO BESTE JARDUERA BATZUK

4.- GUTXI GORABEHERAKO KALKULU EKONOMIKOA

1.- SARRERA.

Euskal Herriko natura babesteko Legearen Testu Bateratua, apirilaren 15eko 1/2012 Legegintzako Dekretuaren bidez onartuta, mekanismo jakin bat zehazten du espazioen babes figurak aztertzeko, erkidegoko araudiaren babesean sortuak, zehazki, Natura 2000 Sarean jasotako naturagune babestuekin lotuta.

Euskal Herriko natura babesteko Legeak, 22. artikuluko 5. idatz zatian, kontserbazio bereziko eremuen deklarazioaz ondokoa adierazten du: *"Lurralde historikoetako foru organoek kudeaketa planak egingo dituzte, kontserbazio helburuak oinarri hartuta, bere baitan honako hauek jasoko dituztenak: eremuak zaintze egoera egokian mantentzeko neurri egokiak, habitat naturalen eta espezieen habitaten hondatzea ekiditeko neurri egokiak, hala nola gune hauen izendapena bultzatu duten espezieei eragiten dizkieten aldaketak ekiditeko neurriak"*.

Eusko Jaurlaritzako Ingurumen eta Lurralde Politika Sailaren azaroaren 3ko 205/2015 Dekretuaren bidez, «Aldaiako mendiak» (ES2110016) Kontserbazio Bereziko Ereму izendatu zen, kontserbazio neurriekin batera (223. EHAA, 2015eko azaroaren 23koa).

Dokumentu honetan, ES2110016 Aldaiako Mendiak KBEa **Kudeatzeko Gidalerroak eta Neurriak** ezartzen dira, 205/2015 Dekretu horretan ezarritako kontserbazio helburuen oinarriaren gainean.

2.- FUNTSEZKOAK DIREN EDO KUDEATU BEHAR DIREN ELEMENTUEN KONTSERBAZIO NEURRIAK.

2.1.- BASO MEDITERRANEO ESKLEROFITOKAK ETA MARTZZESZENTEAK.

1. Azken helburua	Basoen gaur egungo azalerari eustea eta baso kudeaketa egokia ezartzea, hau da, basoaren aldeko kontserbazio egoerari dagokion naturaltasun maila eta egitura konplexutasuneko maila lortzearekin bateragarria izango dena.
1.1. Helburu operatiboa	Baso autoktonoak kontserbatzea, haien naturaltasuna eta egitura konplexutasuna hobetuta.
Kudeaketa gidalerroak	<p>G1- Fisiografia naturalaren aldaketa eragingo duten urbanizazio, eraikuntza eta jarduerak baimentzea saihestuko da, baldin eta eremuko babesari edo kudeaketari, ikerketari, ingurumen hezkuntzari edo zientzia zabalkundeari lotuta ez badaude.</p> <p>G2- Intereseko zuhaitz autoktonoen presentziari eutsi egingo zaio eta areagotu egingo da (zaharkituak, lepatuak, oso zaharrak, handiak, adartsuak, bigarren mailako espezieak, pizidoen habiak dituztenak, eta abar).</p> <p>G3- Zuhaitzen eta zuhaixken espezieen aniztasuna areagotzea sustatuko da.</p> <p>G4- Mozketak eta basoko gainerako jarduerak baso autoktonoen egitura aniztasuna handitzera eta joera hori mugatzen duten eragileak ezabatzerantz bideratuta daude.</p> <p>G5- Zutik dagoen eta etzanda dagoen zur hila, hainbat tamaina, deskonposizio egoera eta adinetakoa, sustatuko da, eta batez ere enborrik handienak mantenduko dira.</p> <p>G6- Baso landaketetan helburu nagusia baso potentziala leheneratzea izango da. Beraz, mozteko txanda iristen denean, laguntza publikoak batez ere basoak birsortzeko pizgarriak emateko banatuko dira, eta ez espezie exotikoak landatzeko edo jatorrizko basoa leheneratzea helburu ez duen beste edozein jarduerarako egiteko.</p> <p>G7- Basoen kudeaketa basogintzako irizpideen arabera egingo da, naturatik hurbil, soilgune handiak zabaldu gabe, beharrezkoa izan ezean osasun, birsorkuntza edo teknikoki justifikatutako kausengatik.</p> <p>G8- Edozein helmuga duten zuhaitzen seinalatzeetan, ornogabe saproxilikoek, hegaztien edo saguzarren espezieak kontserbatzeko garrantzitsuak diren interes-oinak babestuko dira.</p> <p>G9- Zuraren eta egurraren aprobetxamenduan, hildako zur bolumena handitzea sustatuko da.</p> <p>G10- Saihestu egingo dira funtsezko espezieen edo kudeaketarako xede diren eta babes bereziko araubidekoak diren florari eta faunari (batez ere habiak egiteko eta kumeak hazteko aldietan) gorabehera garrantzitsuak eragin diezazkiokeen KBEko basoetako jarduerak. Ildo horretan, ondokoak egin beharko dira:</p>

**Kudeaketa
gidalerroak**

- Lan egutegia prestatu beharko da, habiak egiteko eta kumeak hazteko aldietan munta handieneko lanak egin ez daitezen, batez ere apirila eta uztaila artean.
- Zarata maila handia eragiten duten edo bat-bateko zaratak sortzen dituzten lanak saihestu beharko dira habiak egiteko eta kumeak hazteko aldietan, batez ere apirila eta uztaila artean.
- Habiak egiteko eta kumeak hazteko eremuetatik lanak egiten diren lekuetara tarte egokia utzi beharko da, betiere dagokion eremua adierazita, eta batez ere apirila eta uztaila artean. Horretarako, lanik egin behar ez den eta makinarik ibili behar ez den eremuak mugatuko dira (zinta batekin edo antzeko modu batean).
- Ur puntuak babestu beharko dira, urteko sasoiaren arabera ohikoa den ur maila mantentzean edo uraren gehituko duten edo partikula esekien kontzentrazioa gehituko duten jardunak egin ez daitezen, jalkinen ekarpena gerta ez dadin, eta ura kutsa dezaketen gaiak isur ez daitezen.

G11- Mendi publikoak antolatzeko plana jarraibide hauen arabera egingo da:

- a) Aldaiako mendiak Kontserbazio Bereziko Eremu izendatzeko baliaitutako kontserbazio helburuak kontuan hartuko dira.
- b) Lurraldean garatzen diren erabilerak eta aprobetxamenduak plangintzan jasoko dira, arreta berezia jarriz zuraren ekoizpenean, artzaintzan eta balio naturalen hobekuntzan eta kontserbazioan.
- c) Baso suteen aurkako defentsa neurriak, hala nola, soiltzeak, mozketak eta suebakiak plangintzan jasoko dira.
- d) Ohiko aprobetxamenduak (zura, egurra eta larrea) sustatuko dira kontserbaziorako ezinbesteko erabilera gisa.
- e) Lepatutako zuhaitzak eta interes bereziko zuhaitzak (faunarako balio handikoak, ondare balioa dutenak, bereziak, besteak beste) kontserbatzeko neurriak ezarri eta identifikatuko dira.
- f) Zur hilaren kantitatea aztertu eta, hala badagokio, kantitate hori handitzeko neurriak ezarriko dira.
- g) Hondatzeko arriskua duten zuhaitziak identifikatuko dira, eta prebentziorako edo kalteak konpontzeko neurriak zehaztuko dira (itxiturak, abeltzaintza zama arautzea, basoberritzea, eta abar).
- h) Larreen aprobetxamendu plana sartuko du KBE osorako. Beraren barruan, landare formazioen abeltzaintza erabilera haietako bakoitzerako definitutako helburuekin bateragarria den edo ez aztertuko da, kontuan izanik ganadua maneiatzeko zehaztapenak, ganadu mota, artzaintza egutegia, abere zamak eta aprobetxatu beharreko azalerak.
- i) Zuhaitzi bilakatzekotan dauden sasitza eta larreen azalerak identifikatuko dira, baita zuhaitzi bilakatzeko bidean daudenak kontserbatzeko neurriak ere, hala badagokio.
- j) Naturaltasun maila gehituko dute, arauak xedatzen dutena kontuan hartuta.
- k) Baso inbentarioaren diseinuan jasoko dira basoen kontserbazio egoeraren jarraipena egiteko datuak.

<p>Kudeaketa gidalerroak</p>	<p>D12- Mendiak antolatzeko plan horretan azaltzen diren ondorioen arabera, basoen abeltzaintza erabileraren baldintzak ezarriko dira. Erabilera hori 1. helburu/helmuga lortzearen baldintzapean egongo da.</p> <p>D13- Egur eskaera batik bat soiltzeetan eta mozketetan egiten den erauzketa selektiboaren bidez aseko da, enbor ugariko oinen artean ahulenak aukeratuz eta, betiere, lekuko osotasun ekologikoa kontserbatzeko eta mantentzeko helburuak bermatuko dira.</p> <p>D14- Neurri eta mugaketa egokiak ezarriko dira ez dadin egin egurra ateratzeko biderik edo pista berririk egin. Helburu horrekin gaur egungo bide azpiegitura aztertuko da, baita KBEaren helburuen aurrean duen eraginkortasun maila ere.</p> <p>D15- Basoak larreekiko ertzetan atzera ez egiteko beharrezkoak diren neurriak eta mugak ezarriko dira, baita hiltzen edo ahultzen ari diren zuhaitzak agertzen dituzten bazkatoki bihurtutako eremuak berreskuratzeko ere.</p> <p>D16- Jabetza partikularreko baso edo landazabaletan baso akordioak edo kontratuak sustatuko dira, intereseko landazabalak eta zuhaitziak kontserbatzeko.</p> <p>D17- Administrazio publikoek KBEan sartutako mendi pribatuaren lursailen gainean duten erosteko lehentasunezko eskubidea baliatuko dute, 11/2007 Foru Arauak, mendienak, ezarritako baldintzetan.</p>
<p>Jarduerak</p>	<ol style="list-style-type: none"> 1.- Kontserbazio egoera ebaluatzea, KBEko basoen parametro kuantitatiboetan oinarrituta, Baso Inbentarioko lurzatiaren sarea erabiliz. Lan horiek kontserbaziorako interesa daukaten zuhaitzak (zaharkituak, lepatuak, handiak, adartsuak, bereziak, bigarren mailako espezieak, pizidoen habiak, saguzaharreen babeslekuak edo hutsarteak dituztenak, eta abar) eta faunarentzat interesa duten lekuak (urmaelak, putzuak, ihitzak etab) elementu natural, kultural eta geomorfologikoen inbentario ireki georeferentziatua sartuko dituzte. 2.- Aurreko ebaluazioaren emaitzen arabera, zuhaitz bereziak babestea eta basoen egiturazko konplexutasuna handitzeko neurriak proposatzea eta hartzea. 3.- Mendi publikoen antolaketa plana idaztea, aipatutako jarraibideak betez. 4.- Azterlan bat egitea, zur hilaren balioak orientatzea ahalbidetzen duena, KBEaren helburuak bete ahal izateko moduan, kontuan izanik habitat motak, zuhaitzien garapen egoerak, erabilerak, espezieen beharrianak eta beste batzuk. 5.- Mozketa esperimentalak egitea, bai erkameztien lurzati bai karraskalen lurzati bihurtzeko, mozketa horiek egiteak beraien egonkortasuna eta dibertsitate biologikoa eta konplexutasun estrukturala hobetzeko daukan emaitza ebaluatzeko helburuz. 6.- Basoetako suteak prebenitzeko eta itzaltzeko eremu estrategikoetan basoko jarduerak egingo dira basoen urrakortasuna murrizteko helburuz, adibidez mendi garai erregular bihurtzeko mozketak, soiltzea, inaustea edo balizko sasi garbiketak.

2016ko urriaren 27a, osteguna

Jarduerak	<p>7.- Aberasteko landaketak egitea larre ertzetako basoen atzerakada saihesteko, birsorkuntzarako banakako itxituren edota itxitura txikien bidez. Itxiturak modu irregularrean egingo dira, soilguneak eta trantsizioko arloak sortzeko bide emateko, belardi eta baso artean.</p> <p>8.- Zuhaitz lepatuen unadetan tratamenduak. Horretarako 1-2 hektareako lurzatiak hautatuko dira, erkametz lepatuen dentsitate egokiarekin, mantentze lanak egiteko asmoz. Lan horien artean zuhaitz gazteak kentzea, sastrakak garbitzea eta abar egon daitezke.</p>
------------------	--

2.2.– LARREAK ETA SASITZAK.

2. Azken helburua	Batasunaren intereseko larre eta sasitzen %85ko azalera garbia kontserbatzea eta mosaiko itxuran banatzea.
2.1. Helburu operatiboa	Batasunaren intereseko larre moten gaur egungo azalerak mantentzea gutxienez, eta mosaiko egiturari eustea.
Kudeaketa gidalerroak	<p>G18- KBEaren larre eta txilardien mosaiko egitura eta berezko biodibertsitatea kontserbatu eta hobetzea.</p> <p>G19- KBEko mendi publikoak antolatzeko planaren barruan, larre aprobetxamendua antolatzeko plana egingo da. Plan horretan, Batasunaren intereseko edota lehentasunezko landaretza formazioen eta habitaten abeltzaintzako erabilera haietako bakoitzarentzat ezarritako helburuekin bateragarria izan beharko da. Horrenbestez, abere zama ezberdinak, ganadu motak, maneatzea, egutegiak, larreak hobetzeko jarduerak, bazkatzeko ez diren aldean zonakatzea, bide eta ganadu azpiegiturak, eta planak ezarritako kontrol prozedura hartuko dira aintzat.</p> <p>G20- Abere aprobetxamenduaren antolaketatik ateratzen diren ondorioen arabera, jarduera egokiak egiteko ganaduaren titularrekin akordioak egitea sustatuko da, bai uhaskak edo ukuiluak KBEaren mugetatik kanpo jartzeko bai KBEaren perimetroko itxiturak egiteko zuzeneko laguntzak emanez, edo beste laguntza batzuk emanez. Gainera, erakunde jabeekin akordioak egitea sustatuko da, diru-sarreraren galerak (baleude) konpentsatzeko.</p> <p>G21- Larre aprobetxamendua antolatzeko planean, zehatz-mehatz arautuko dira funtsezkoak diren edo babes bereziko araubidea daukaten larre eta txilardietan eragin ahal duten jarduerak, baita larre mesofiloak (EB kodea: 6210 eta 6210*) mantentzearen eta sasitzak (EB kodea: 4090) mantentzearen edo katalogatutako gainerako habitat mantentzearen gainekoa ere.</p> <p>G22- Larre eta txilardien mosaiko egituraren adierazle kuantitatiboen erreferentziako balioak zehaztuko dira. Hartara, larre eta sasitzen azalera eta banaketa kontuan hartzen dituen heterogeneotasun indizea definituko da.</p>

Kudeaketa gidalerroak	<p>G23- Abeltzaintzako azpiegitura hobetzeko neurri guztiek beharrezkoak diren ingurumen baldintzak eta neurri zuzentzaileak (organo kudeatzaile eskudunak ezarriko dituenak) eduki beharko dituzte, babes bereziko araubidea daukaten larre eta sasitzen gaineko inpaktuak murrizteko (Batasunaren intereseko edota lehentasunezko habitatak).</p> <p>G24- Larreak antolatzeko planak sakonera urriko lurzoruetan egiten diren larreen aprobetxamendua arautuko du. Ardien presentzia bakarrik baimenduko da, eta betiere kopuru txikietan. Abere aprobetxamenduko eremuetatik baztertuko dira higadura arazo larriek ukitutako gunek.</p> <p>G25- Itxitura berriak eraikitzean kontuan hartu beharko da basoko fauna bertatik igarotzeko material egokiena.</p>
Jarduerak	<p>9.- KBE osorako larre aprobetxamendua antolatzeko plan bat idaztea.</p> <p>10.- Aurreko puntutik ateratzen diren ondorioen arabera, jarduera egokiak egiteko ganaduaren titularrekin akordioak egitea sustatuko da, bai uhaskak edo ukuiluak KBEaren mugetatik kanpo jartzeko bai KBEaren perimetroko itxiturak egiteko zuzeneko laguntzak emanez, edo beste laguntza batzuk emanez. Gainera, erakunde jabeekin akordioak egitea sustatuko da, diru-sarreraren galerak (baleude) konpentsatzeko.</p> <p>11.- Larre eta sasitzen komunitateen espazio eta denbora eboluzioaren jarraipena egiteko protokolo bat egingo da, aurreko neurrien adierazleak kontrolatzeko lurzatietan aireko irudiak analizatuz eta jarraipena eginez.</p> <p>12.- Putzuak bentonitaz iragazgaiztuko dira (edo beste material naturala batekin, plastikoa ez dena), itxi egingo dira, ganadua ez dadin sartu eta uhaskak jarriko dira.</p>

2.3.- FAUNA SAPROXILIKOA.

3. Azken helburua	Arriskuan dauden ornogabe saproxilikoaren populazio egonkorra mantentzea, erkameztien harrera ahalmenaren araberakoak, eta erkameztien kalitatea hobetzea.
3.1. Helburu operatiboa	Arriskuan dauden koleoptero saproxilikoaren espezieen egungo kontserbazio egoera eta egoera ona behar bezala ezagutzea, eta espezie guztientzako habitat egokia bermatzea.
Kudeaketa gidalerroak	G26- Arriskua dauden espezieen ezagueran sakontzea

Jarduerak	<p>13.- Arriskuan dauden koleoptero saproxilikoek hiru espezieentzako jarraipen protokolo bat egingo da.</p> <p>14.- Espezie saproxilikoek egungo kontserbazio egoera zehatz-mehatz definituko da, beraien banaketaren eta ugaritasunaren arabera, metodologia espezie aztergaien berezitasunei egokituz eta kolonizazio tasa kalkulatu. Emaizak KBEaren eremuan eragina eta eskumena dauzkaten gizarte eragileek eta administrazioen artean zabalduko dira.</p>
3.2. Helburu operatiboa	Espezie guztientzako habitat egokia bermatzea.
Kudeaketa gidalerroak	G27- Arriskuan dauden espezieen habitatak babestea, neurri espezifikoeekin eta intereseko habitat errekupeziarako.
Jarduerak	<p>15.- Espezie saproxilikoek egungo kontserbazio egoera azterlanetik aurrera, espeziearentzat interesgarriak diren zuhaitzen tipologia zehaztuko da, baita beraien elikatze eremuak ere. Beharrezkoa bada, dokumentu honetan sartu ez diren eta beharrezkoak diren jarduerak proposatuko dira.</p> <p>16.- Zuhaitz lepatu interesgarriak mekanikoki kolapsatzeko arriskua diagnostikatuko da eta erortzea galaraziko da. Zuhaitz horiek mantentzea eta heltze naturaleko zuhaitzekin ordezkatzeko planeatuko da.</p> <p>17.- Erkameztien barruko soilguneak kartografiatuko dira, eta kasu bakoitzean helduentzat interesa daukaten espezie sekundarioak mesedetzeko baso lan egokiak definitu eta egingo dira.</p> <p>18.- KBEko basoetan dagoen zur hila kalkulatu ondoren eta 4. puntu jasotako azterlanaren ondorioetan oinarrituta, behar den zur hila, zutik nahiz etzanda dagoena, hornitzeko jarduerak zuzenduko dira. Egurretarako urtean ateratzen den zuraren bolumena kalkulatu da eta ziurtatuko da eskaera asetzea bateragarria dela basoetan zur hil nahikoa mantentzearekin.</p>
3.3. Helburu operatiboa	Espezie saproxilikoek garrantzia zabaltzea.
Jarduerak	19.- Intsektu saproxilikoek garantziari eta zuhaitz hila edo zaharrarari dagokionez setsibilizazio kanpainak disenatzea eta egitea, populazio lokalari eta administrazioen pertsonalari zuzenduta.

3.- KUDEAKETAN LAGUNTZEKO TRESNAK.**3.1.- Biodibertsitateari buruzko ezagutzak eta informazioa.**

4. Azken helburua	Ahalik eta zehaztasun gehienez ezagutzea Aldaiako Mendiak KBEaren biodibertsitatearen kontserbazio egoera eta zein den kontserbazio egokirako egoera, bai eta galera edo suntsiketa eragin dezaketen kausak zein diren zehaztea ere, horrela, epe luzerako mantentzea bermatu dezaketen beharrezko neurriak berriro diseinatzeko eta egokitzeke.
4.1. Helburu operatiboa	Aldian behin eguneratzen den kartografia dago kontserbaziorako interesekoak diren habitat guztietarako, bai eta dibertsitate biologikorako eta integritate ekologikorako garrantzitsuak diren elementu edo gune naturalena edo kulturalena ere.
Jarduerak	<p>20.- Aldian behin EUNIS landarediaren mapa eta habitaten mapa eguneratzeko protokoloa zehaztea eta, horretarako, bereziki azpimarratzea bilakaera naturalak edo gizakiaren esku hartzeak eragindako aldaketak, bai eta azalera murriztuko eta aurreko kartografietan antzeman ez diren habitatei buruzko ezagutzen inguruko hobekuntzak sartzea ere.</p> <p>21.- Barrundia udalerrriak, dagoeneko badagoen instalazioan, liburutegia edo dokumentazio zentroa izan dezala sustatzea, KBEko eta inguruetako ingurumen informazioarekin, eta sortzen doan informazio berria eta dibulgazio-laburpenak sar dezala.</p> <p>22.- "Basoko fauna eta florarako baliozko elementu naturalen, kulturalen eta geomorfologikoen inbentario zabal georreferentziatua" sortzea, besteak beste, zuhaitz hiletarako edo zuloak dituztenetarako, ur ibilera txikietarako, aldi baterako putzu eginda dauden lurretarako, urmaeletarako, heskaietarako, landa bideetarako, bidexketarako, azalerratze geologikoetarako etab. Elementu bakoitza bereizteko, gutxienez, interesa eta koordinatu zehatzak adierazi beharko dira.</p>
4.2. Helburu operatiboa	Habitaten eta babes bereziko araubidean dauden basa espezieen eta funtsezko elementuen edo kudeaketaren helburu direnen kontserbazio egoera ezagutzen da.
Jarduerak	23.- Habitaten eta babes bereziko araubidean dauden basa espezieen kontserbazio egoerari buruzko fitxa egitea, informazioa azkar erabili ahal izateko, Habitaten Zuzentarauaren 17. artikuluan ezarritako informazio estandarizatuaren berri emateko beharrak betetze aldera.

4.3. Helburu operatiboa	Kalkulu bat edukitzea KBEaren biologia aniztasunak duen balio ekonomikoarena, baita ekosistema autoktonoek eskaintzen dituzten ingurumen ondasun eta zerbitzuena ere.
Jarduerak	<p>24.- Azterlan bat egitea tresna honetan jasotzen diren neurriak aplikatzeagatik errenta murrizten duten jarduerari eta, izatekotan, errenta galera hori orekatzeko zenbateko eta bitartekoei buruzkoa.</p> <p>25.- Aldaiako Mendiak KBEko dibertsitate ekologikoaren eta ekosistema autoktonoek ematen dituzten ingurumen ondasun eta zerbitzuen balio ekonomiko osoa aztertzea.</p>
4.4. Helburu operatiboa	KBEko eta inguruko basa faunaren heriotza ez naturala adierazteko mapa bat egiten da, bertan puntu beltzak adierazita.
Jarduerak	<p>26.- Pozoidudarik Egotekotan Jarduera protokoloa onartzea eta aditu-frogak egiteko gomendioekin dokumentu teknioa egitea.</p> <p>27.- Urtero, Aldaiako Mendiak KBEtik eta bere Babes Eremu Periferikotik Martiodako Basoko Fauna Berreskuratzeko Zentroan sartzen diren basoko espezieen erregistroak bilduko dira.</p> <p>28.- Herritarrei, abeltzainei, jabeei, basozainei, mendi elkarteei, sindikatuei, ehiztariei, albaitariei eta lurraldean dauden beste kolektibo batzuei erregistro hau egin dela jakinaraziko zaie, hautemandakoa administrazio eskuduneko langileei jakinarazteko.</p> <p>29.- Eskuratutako informazioaren bidez, istripu ugariko guneen mapa egingo da. Aldian behin, mapa eguneratuko da eta neurri zuzentzaileak proposatuko dira, plan honetan eta hurrengoetan sartzeko.</p> <p>30.- Urtero, basoko faunako heriotza ez naturalen, hartutako neurri zuzentzaileen eta horien emaitzen inguruko txostena egingo da, eta, horrela, interesa duten pertsonak eta erakundeak horretara jo ahal izatea bermatuko da.</p>

3.2.- Komunikazioa, heziketa, partaidetza eta herritarren kontzientziazioa.

5. Azken helburua	Aldaiako Mendiak KBEan eragina duten erabakiak hartzeko prozesuetan gizarte partaidetza sustatzea, bai eta herritarren partaidetza ere kontserbaziorako.
5.1. Helburu operatiboa	Aldian behin herritarrei KBEan biodibertsitatearen kontserbazio egoerari buruzko informazio ulergarria zabaltzea, bai eta ingurumeneko laguntzei, egoera ahulak dakartzaten kausei, horren inguruko politika publikoei eta emaitzei buruzko informazioa ere.
Jarduerak	<p>31.- Arabako Foru Aldundiaren web orrialdean Aldaiako Mendiak KBEari atal berezia eskaintzea eta hura eguneratzeko mekanismoa aurreikustea.</p> <p>32.- Flora eta faunaren, habitaten eta prozesu ekologikoen kontserbazio neurriei eta, batez ere, bioaniztasunaren zaintzan laguntzea duten ohiko jardueri buruzko komunikazio eta informazio programa sortzea, eragina jasan dezaketen edo aktiboki neurri horietan inplika daitezkeen gizarte sektoreentzako. Barrundiako udaletxean eta udalerriko herriguneetako kontzeju etxeetan, eta horiek hartarako baimena ematen badute, KBEari eta Natura 2000 Sareari buruzko informazio panelak jarriko dira.</p> <p>33.- KBEari eta haren helburuei buruz herritarrek duten ezagutza, jarrera eta jokabidea aztertzeko aldizkako ebaluazioak egitea; horrela, komunikazio, heziketa eta kontzientziatze ekintzak berriro orientatu ahal izango dira.</p> <p>34.- Aldaiako mendietako KBEaren kudeaketan eta zaintzan zerikusia duten ingurumen eta sektore administrazioak elkartzeko foro bat sortzea eta garatzea: administrazio batzarrak, udalak, Arabako Foru Aldundia, Eusko Jaurilaritza...</p> <p>35.- KBEan zaindu beharreko gaiak kontserbatzeari lotuta, baso kudeaketa jasangarriak sortzen dituen ingurumen onurei buruzko dibulgaziozko kanpainak garatzea.</p>

3.3.– Gobernantza.

6. Azken helburua	Organo publiko eskudun guztien erakunde koordinazioa hobetzea eta ingurumen eta sektore araudi guztia egokitzea, dokumentu honen helburuarekin eta xedeekin eta horiek lortzeko ezartzen dituen jarduera, jarraibide eta arauekin bat etortzeko.
6.1. Helburu operatiboa	Batzorde tekniko iraunkorra sortzea, Eusko Jaurlaritzaren Biodibertsitate Zuzendaritzaren jarduerak eta Arabako Foru Aldundiarenak koordinatzeko, Aldaiako Mendiak KBEan.
Kudeaketa gidalerroak	G28- Natura 2000 espazioen eremu natural babestuaren izaera kontuan hartuta, administrazioek onesten dituzten lurralde antolamendurako tresnek eta hirigintzako plangintzakoek saihestuko dute artifizializatzea eta sailkapena lurzoru urbanizaezinetik lurzoru urbanizagarrira edo hiritarrera aldatzea, arlo horietan dauden habitat naturalak eta espezieak kontserbatzen direla bermatzeko.
Jarduerak	36.- Aurreikusitako neurrietan ahalik eta eraginkortasunik handiena lortzeko, Foru Aldundiaren sailekin eta Eusko Jaurlaritzaren sailekin edo KBEan eskumenak dituzten beste administrazio batzuekin eta tartean diren udalekin eta administrazio batzordeekin beharrezko hitzarmenak eta gainerako koordinazio mekanismoak ezarriko dira.
6.2. Helburu operatiboa	Gauregungo ingurumen eta sektore araudi guztia egokitzea, dokumentua errezeago aplikatzeko.
Jarduerak	37.- KBEa osorik edo zati batean aplikazio eremu duten kudeaketa agiriak berriro aztertuko dira, ehiza esparruen kudeaketa planak barne, naturgune honen kudeaketa agirian ezarritakoari egokitu daitezten.

3.4.- Hondatuta dauden eremuak leheneratzea eta konektibitate ekologikoa.

7. Azken helburua	KBEko esparru degradatuak inbentarioan sartu eta inguruko beste batzuekin leheneratzea.
7.1. Helburu operatiboa	Dauden isurketa iturriak eta beste eragin batzuek (higadura, harrobi eta legardi zaharrak) hondatutako eremuak antzematea eta halakoak lehengoratztea.
Jarduerak	<p>38.- Inpaktuak (higadurak, legar hobi eta harrobi zaharrak, eta abarrekoak) jasan dituzten eremuak leheneratzea, eta espazio hauetan ingurumena leheneratzea.</p> <p>39.- Kontrolik gabeko isurketak eta bestelako eraginak jasaten dituzten gunek leheneratuko dira; horretarako, hau aurreikusiko da:</p> <ul style="list-style-type: none"> - Hondakinak kentzea, eta geroago tratatu eta behar bezala kudeatzea. - Hondatuta dauden espazioak ingurumen aldetik leheneratzea, babestutako habitatak leheneratzeko.
7.2. Helburu operatiboa	Inguruko beste KBE espazio batzuekin konektibitatea dagoela ziurtatzea.
Kudeaketa gidalerroak	<p>G29- Lotura ekologikoaren arloan onartutako estrategiak aplikatzea, KBEan batasunaren intereseko edota lehentasunezko habitaten arteko lotura bultzatzeko, bai eta hurbil dauden Natura 2000 Sareko beste habitat katalogatu batzuekin eta orokorrean mugakide diren eta ingurumen aldetik interesa duten esparruekin ere. Konektibitatearen aldetik interesgarriak diren eremuak identifikatzea, eta horiek kontserbatzeko eta hobetzeko jarduerak egitea.</p> <p>G30- KBEaren barruan nahiz haren inguruan ingurumen interes handia duten eremuak konektatzen dituzten heskaiak eta baso txikiak identifikatzea eta kartografiatzea sustatuko da. Kartografia egin ondoren, heskairik eta baso txikirik garrantzitsuenak aukeratuko dira, eta horiek kontserbatzeko neurriak proposatuko dira.</p>
Jarduerak	<p>40.- Lur pribatuen jabeekin akordioak sustatzea, konektibitate ekologikorako interesa duten espazioen kontserbazioa sustatzeko.</p> <p>41.- KBE inguruko gunetan edo horietatik hurbil daudenetan, gaur egun landaredi natural belarkaraz, zuhaixka formakoaz edota zuhaizkaraz estalita daudenetan, habitatak kontserbatzeko eta hobetzeko ekintzak sustatzea.</p> <p>42.- Inguruko nekazari guztiei heskaien eta horien kontserbazioaren garrantziaren berri ematea.</p>

4.- JARDUEREN ETA KUDEAKETA NEURRIEN PROGRAMA. GUTXI GORABEHERAKO KALKULU EKONOMIKOA.

Apirilaren 15eko 1/2014 Legegintzako Dekretuak, Euskal Autonomia Erkidegoko natura kontserbatzeko Legearen testu bateratua onartzen duenak, 22. artikuluan ezartzen duena betetzeko, jarraian programa honetako jarduera eta neurriei dagozkien kalkulu ekonomikoak zehaztuko dira.

22.3. artikulua:

Txostenak, bere tramitazioaren hasierako faseetatik hasita, memoria ekonomiko bat izango du, zeinak espresuki jasoko dituen 92/43/EE Zuzentarauaren 8. artikuluan jasotako baterako finantzaketa komunitarioaren arabera beharrezkotzat hartzen diren aurreikuspenak.

Jarraian, aipatu den 8. artikuluko hori transkribatuko da, zehazki 1. eta 2. puntuak:

- 1. Kontserbazio bereziko eremu izendatu ahal diren eta barnean lehentasunezko habitat naturalak edota lehentasunezko espezieak dituzten lekuei buruz proposamenak egiten dituzten aldi berean, Estatu kideek Batzordeari haien kalkuluak bidaliko dizkiote, bidezkoa denean, Europako Batasunaren finantzaketari buruz egokitzat jotzen dutena dela-eta, 6. artikuluko 1. idatz zatian hitzartuta dagoenaren arabera haien betebeharrak bete ahal izateko.*
- 2. Estatu kide bakoitzarekin ados jarrita, finantzaketa eskatzen deneko leku garrantzitsuetarako, Batzordeak zehaztuko ditu ezinbestekoak diren neurriak, lehentasunezko habitat naturalen kontserbazio egoera mantendu edo leheneratzeko, eta neurri horien ondoriozko kostu osoak ere zehaztuko ditu.*

2.1.- BASO MEDITERRANEO ESKLEROFITOAK ETA MARTZZESZENTEAK.

NEURRIA EDO JARDUERA	KOSTUA (€)
1.- Kontserbazio egoera ebaluatzea, KBeko basoen parametro kuantitatiboetan oinarrituta, Baso Inbentarioko lurzatiaren sarea erabiliz. Lan horiek kontserbaziorako interesa daukaten zuhaitzak (zaharkituak, lepatuak, handiak, adartsuak, bereziak, bigarren mailako espezieak, pizidoen habiak, saguzaharreen babeslekuak edo hutsarteak dituztenak, eta abar) eta faunarentzat interesa duten lekuak (urmaelak, putzuak, ihitzak etab) elementu natural, kultural eta geomorfologikoen inbentario ireki geoerreferentziatuan sartuko dituzte.	5 000
2.- Zuhaitz bereziak babestea eta basoen egiturazko konplexutasuna handitzeko neurriak proposatzea eta hartzea.	40 000
3.- Mendi publikoen antolaketa plana idaztea, aipatutako jarraibideak betez.	25 000
4.- Azterlan bat egitea, zur hilaren balioak orientatzea ahalbidetzen duena, KBEaren helburuak bete ahal izateko moduan, kontuan izanik habitat motak, zuhaitzien garapen egoerak, erabilerak, espezieen beharrianak eta beste batzuk.	5 000
5.- Mozketa esperimentalak egitea, bai erkameztien lurzati bai karraskalen lurzati bihurtzeko, mozketa horiek egiteak beraien egonkortasuna eta dibertsitate biologikoa eta konplexutasun estrukturala hobetzeko daukan emaitza ebaluatzeko helburuz.	60 000

2016ko urriaren 27a, osteguna

NEURRIA EDO JARDUERA	KOSTUA (€)
6.- Basoetako suteak prebenitzeko eta itzaltzeko eremu estrategikoetan basoko jarduerak egingo dira basoen urrakortasuna murrizteko helburuz, adibidez mendi garai erregular bihurtzeko mozketak, soiltzea, inaustea edo balizko sasi garbiketak.	40 000
7.- Aberasteko landaketak egitea larre ertzetako basoen atzerakada saihesteko, birsorkuntzarako banakako itxituren edota itxitura txikien bidez. Itxiturak modu irregularrean egingo dira, soilguneak eta trantsizioko arloak sortzeko bide emateko, belardi eta baso artean.	15 000
8.- Zuhaitz lepatuen unadetan tratamenduak. Horretarako 1-2 hektareako lurzatiak hautatuko dira, erkametz lepatuen dentsitate egokiarekin, mantentze lanak egiteko asmoz. Lan horien artean zuhaitz gazteak kentzea, sastrakak garbitzea eta abar egon daitezke.	15 000

2.2.- LARREAK ETA SASITZAK.

NEURRIA EDO JARDUERA	KOSTUA (€)
9.- KBE osorako larre aprobetxamendua antolatzeko plan bat idaztea.	<i>3. jardueran sartu da</i>
10.- Aurreko puntutik ateratzen diren ondorioen arabera, jarduera egokiak egiteko ganaduaren titularrekin akordioak egitea sustatuko da, bai uhaskak edo ukuiluak KBEaren mugetatik kanpo jartzeko bai KBEaren perimetroko itxiturak egiteko zuzeneko laguntzak emanaz, edo beste laguntza batzuk emanaz. Gainera, erakunde jabeekin akordioak egitea sustatuko da, diru-sarreraren galerak (baleude) konpentsatzeko.	30 000
11.- Larre eta sasitzen komunitateen espazio eta denbora eboluzioaren jarraipena egiteko protokolo bat egingo da, aurreko neurrien adierazleak kontrolatzeko lurzatietan aireko irudiak analizatuz eta jarraipena eginez.	2 000
12.- Putzuak bentonitaz iragazgaiztuko dira (edo beste material naturala batekin, plastikoa ez dena), itxi egingo dira, ganadua ez dadin sartu eta uhaskak jarriko dira.	60 000

2.3.- FAUNA SAPROXILIKOA.

NEURRIA EDO JARDUERA	KOSTUA (€)
13.- Arriskuan dauden koleoptero saproxilikoaren hiru espezieentzako jarraipen protokolo bat egingo da.	2 000
14.- Espezie saproxilikoaren egungo kontserbazio egoera zehatz-mehatz definituko da, beraien banaketaren eta ugaritasunaren arabera, metodologia espezie aztergai berezitasunei egokituz eta kolonizazio tasa kalkulatuaz. Emaitzak KBEaren eremuan eragina eta eskumena dauzkaten gizarte eragileen eta administrazioen artean zabalduko dira.	2 000

2016ko urriaren 27a, osteguna

NEURRIA EDO JARDUERA	KOSTUA (€)
15.- Espeziearentzat interesgarriak diren zuhaitzen tipologia zehaztuko da, baita beraien elikatze eremuak ere. Beharrezkoa bada, dokumentu honetan sartu ez diren eta beharrezkoak diren jarduerak proposatuko dira.	2 000
16.- Zuhaitz lepatu interesgarriak mekanikoki kolapsatzeko arriskua diagnostikatuko da eta erortzea galaraziko da. Zuhaitz horiek mantentzea eta heltze naturaleko zuhaitzekin ordezkatzeko planeatuko da.	3 000
17.- Erkameztien barruko soilguneak kartografiatuko dira, eta kasu bakoitzean helduentzat interesa daukaten espezie sekundarioak mesedetzeko baso lan egokiak definitu eta egingo dira.	5 000
18.- KBeko basoetan dagoen zur hila kalkulatu ondoren eta 4. puntuan jasotako azterlanaren ondorioetan oinarrituta, behar den zur hila, zutik nahiz etzanda dagoena, hornitzeko jarduerak zuzenduko dira. Egurretarako urtean ateratzen den zuraren bolumena kalkulatu da eta ziurtatuko da eskaera asetzea bateragarria dela basoetan zur hil nahikoa mantentzearekin.	3 000
19.- Intsektu saproxilikoaren garantziari eta zuhaitzi hila edo zaharrarari dagokionez setsibilizazio kanpainak disenatzea eta egitea, populazio lokalari eta administrazioen pertsonalari zuzenduta.	4 000

3.- KUDEAKETAN LAGUNTZEKO TRESNAK.

3.1.- Biodibertsitateari buruzko ezagutzak eta informazioa.

NEURRIA EDO JARDUERA	KOSTUA (€)
20.- Aldian behin EUNIS landarediaren mapa eta habitaten mapa eguneratzeko protokoloa zehaztea eta, horretarako, bereziki azpimarratzea bilakaera naturalak edo gizakiaren esku hartzeak eragindako aldaketak, bai eta azalera murriztuko eta aurreko kartografiatan antzeman ez diren habitatei buruzko ezagutzen inguruko hobekuntzak sartzeko ere.	1 000
21.- Barrundia udalerrak, dagoeneko badagoen instalazioan, liburutegia edo dokumentazio zentroa izan dezala sustatzea, KBeko eta inguruetako ingurumen informazioarekin, eta sortzen doan informazio berria eta dibulgazio-laburpenak sar dezala.	5 000
22.- "Basoko fauna eta florarako baliozko elementu naturalen, kulturalen eta geomorfologikoen inbentario zabal geoerreferentziatua" sortzea, besteak beste, zuhaitz hiletarako edo zuloak dituztenetarako, ur ibilera txikietarako, aldi baterako putzu eginda dauden lurretarako, urmaeletarako, heskaietarako, landa bideetarako, bidexketarako, azaleratze geologikoetarako etab. Elementu bakoitza bereizteko, gutxienez, interesa eta koordenatu zehatzak adierazi beharko dira.	2 000
23.- Habitaten eta babes bereziko araubidean dauden basa espezieen kontserbazio egoerari buruzko fitxa egitea, informazioa azkar erabili ahal izateko, Habitaten Zuzentarauaren 17. artikuluan ezarritako informazio estandarizatuaren berri emateko beharrak betetze aldera.	1 000

2016ko urriaren 27a, osteguna

NEURRIA EDO JARDUERA	KOSTUA (€)
24.- Azterlan bat egitea tresna honetan jasotzen diren neurriak aplikatzeagatik errenta murrizten duten jarduerari eta, izatekotan, errenta galera hori orekatzeko zenbateko eta bitartekoei buruzkoa.	2 000
25.- Aldaiako Mendiak KBEko dibertsitate ekologikoaren eta ekosistema autoktonoek ematen dituzten ingurumen ondasun eta zerbitzuen balio ekonomiko osoa aztertzea.	3 000
26.- Pozoidudarik Egotekotan Jarduera protokoloa onartzea eta aditu-frogak egiteko gomendioekin dokumentu teknioa egitea.	1 000
27.- Urtero, Aldaiako Mendiak KBetik eta bere Babes Eremu Periferikotik Martiodako Basoko Fauna Berreskuratzeko Zentroan sartzen diren basoko espezieen erregistroak bilduko dira.	-
28.- Herritarrei, abeltzainei, jabeei, basozainei, mendi elkarteei, sindikatuei, ehiztariei, albaitariei eta lurraldean dauden beste kolektibo batzuei erregistro hau egin dela jakinaraziko zaie, hautemandakoa administrazio eskuduneko langileei jakinarazteko.	2 000
29.- Eskuratutako informazioaren bidez, istripu ugari guneen mapa egingo da. Aldian behin, mapa eguneratuko da eta neurri zuzentzaileak proposatuko dira, plan honetan eta hurrengoetan sartzeko.	1 000
30.- Urtero, basoko faunako heriotza ez naturalen, hartutako neurri zuzentzaileen eta horien emaitzen inguruko txostena egingo da, eta, horrela, interesa duten pertsonak eta erakundeak horretara jo ahal izatea bermatuko da.	1 000

3.2.- Komunikazioa, heziketa, partaidetza eta herritarren kontzientziaketa.

NEURRIA EDO JARDUERA	KOSTUA (€)
31.- Arabako Foru Aldundiaren web orrialdean Aldaiako Mendiak KBEari atal berezia eskaintzea eta hura eguneratzeko mekanismoa aurreikustea.	-
32.- Flora eta faunaren, habitaten eta prozesu ekologikoen kontserbazio neurriei eta, batez ere, bioaniztasunaren zaintzan laguntzea duten ohiko jarduerari buruzko komunikazio eta informazio programa sortzea, eragina jasan dezaketen edo aktiboki neurri horietan inplika daitezkeen gizarte sektoreentzako. Barrundiako udaletxean eta udalerriko herriguneetako kontzeju etxeetan, eta horiek hartarako baimena ematen badute, KBEari eta Natura 2000 Sareari buruzko informazio panelak jarriko dira.	8 000
33.- KBEari eta haren helburuei buruz herritarrek duten ezagutza, jarrera eta jokabidea aztertzekeo aldizkako ebaluazioak egitea; horrela, komunikazio, heziketa eta kontzientziatze ekintzak berriro orientatu ahal izango dira.	1 000
34.- Aldaiako mendietako KBEaren kudeaketan eta zaintzan zerikusia duten ingurumen eta sektore administrazioak elkartzeko foro bat sortzea eta garatzea: administrazio batzarrak, udalak, Arabako Foru Aldundia, Eusko Jaurlaritza.	3 000

2016ko urriaren 27a, osteguna

NEURRIA EDO JARDUERA	KOSTUA (€)
35.- KBEan zaindu beharreko gaiak kontserbatzeari lotuta, baso kudeaketa jasagarriak sortzen dituen ingurumen onurei buruzko dibulgaziozko kanpainak garatzea.	3 000

3.3.- Gobernantza.

NEURRIA EDO JARDUERA	KOSTUA (€)
36.- Aurreikusitako neurrietan ahalik eta eraginkortasunik handiena lortzeko, Foru Aldundiaren sailekin eta Eusko Jaurlaritzaren sailekin edo KBEan eskumenak dituzten beste administrazio batzuekin eta tartean diren udalekin eta administrazio batzordeekin beharrezko hitzarmenak eta gainerako koordinazio mekanismoak ezarriko dira.	-
37.- KBEa osorik edo zati batean aplikazio eremu duten kudeaketa agiriak berriro aztertuko dira, ehiza esparruen kudeaketa planak barne, naturgune honen kudeaketa agirian ezarritakoari egokitu daitezzen.	-

3.4.- Hondatuta dauden eremuak leheneratzea eta konektibitate ekologikoa.

NEURRIA EDO JARDUERA	KOSTUA (€)
38.- Inpaktuak (higadurak, legar hobi eta harrobi zaharrak, eta abarrekoak) jasan dituzten eremuak leheneratzea, eta espazio hauetan ingurumena leheneratzea.	40 000
39. Kontrolik gabeko isurketak eta bestelako eraginak jasaten dituzten gunek leheneratuko dira.	30 000
40.- Lur pribatuen jabeekin akordioak sustatzea, konektibitate ekologikorako interesa duten espazioen kontserbazioa sustatzeko.	40 000
41.- KBE inguruko gunetan edo horietatik hurbil daudenetan, gaur egun landaredi natural belarkaraz, zuhaixka formakoaz edota zuhaizkaraz estalita daudenetan, habitatak kontserbatzeko eta hobetzeko ekintzak sustatzea.	2 000
42.- Inguruko nekazari guztiei heskaien eta horien kontserbazioaren garrantziaren berri ematea.	2 000

KOSTUA GUZTIRA.....

466 000 euro